



益戒堂詩後集目錄

卷四

丁亥下

古今體詩
六十五首

金山印月樓晚眺

夜宿金山印月樓

予偶携得蒙山茶以中泠水烹之爲作一律

渡江二絕

過瓜洲聞

謝他山惠牋紙



留別他山夫子二首

食柑

題戴雲奏指寫山水便面二首

舟發維揚即事三首

宜興壺

蛙聲

再題雲奏畫扇二首

高郵道中即事二首

孫書年爲予扇頭作前後赤壁意因題二絕句

贈雲奏

蘆屋

淮安舟次二首

題雲奏倣荆關山水畫扇二首

北歸渡黃河

午日舟中用東坡韻

謝揚孫惠畫扇

下直乘馬夜歸船中二首

赤山道中即事二首

謝儼齋先生惠李晞古柳莊圖二首

彭家口書所見

夏鎮舟次有懷他山夫子疊同遊西湖韻五首

南陽道中感舊書懷疊前韻寄松坪四首

題雲奏松風蘿月畫幅

濟寧舟次

自題涉江集後二首

袁老口書感

乘月夜歸船中

食鮮杏

順風

憶園中花樹

月夜過阿城閘二首

遊任氏園林

臨清畱別劉子育萬

舟發臨清

舟行望月偶賦

德州道中懷舊兼悼綸霞少司農

天津道中

戊子

古今體詩
十四首

鐘聲

磬聲

木魚聲

塔鈴聲

烏城新莊

賜宴紀

恩詩四首

并序

和他山師詠塵次原韻

和他山師詠影次原韻

以白魚牛尾狸饋他山師承賦詩在謝次韻奉酬

憶曩年與他山東江兩先生昕夕聚首花放雪

飛唱酬為樂東江久已旋里今一月來得共

他山師筒往還撫今追昔因疊前韻兼寄東

江

以廣鴨饋他山師承賦詩在謝次韻奉酬

以冬笋饋他山師承賦詩在謝次韻奉酬

以柑饋他山師承賦詩在謝次韻奉酬

以冰鮮饋他山師承賦詩在謝次韻奉酬

他山夫子以虞伯生趙子常分註少陵五七言

律詩見惠賦謝

鑿冰詞和他山夫子

已丑 古今體詩十九首

有饋鮑魚者次東坡韻戲占一絕兼示觀河

詠春冰

以食物饋他山先生承賦詩在謝次韻奉酬四首

和他山夫子人日出郊次原韻

憶塞外舊遊疊前韻賦呈他山夫子

春風

春雲

春雪

春草

詠橘十韻

詠橙十韻

梅花

鹿尾

謝餉閩柑者

以柿餅乳酥饋他山夫子賦詩二首

益戒堂詩後集卷四

起丁亥四月盡
已丑十二月

長白揆叙愷功父惟實居士著

男永壽仁山甫謹輯錄

金山印月樓晚眺

凌空飛閣杳難攀
薄暮憑闌得暫閒
片片江雲風捲去
天教對面看焦山

夜宿金山印月樓

靈宇無塵夜不扃
冰輪未吐見恆星
一拳石湧黃金閣
四面天圍紫玉屏
樹影盡從燈底出
潮聲畱待枕邊聽

天明欲問瓜州渡好向深更驗塔鈴

予偶攜得蒙山茶以中泠水烹之為作一律

攜將蜀國無雙茗來試金山第一泉洗盞春生千點露

鄭谷詩蒙頂
茶畦千點露

透簾晴颺五峰煙

蜀雅州蒙山有五頂其上出茶常有雲露覆之

玉花香裏雲

漿冷

孟郊詩蒙
茗玉花盡

雪浪聲中雨脚鮮

東坡謝蔣夔惠茶詩
雪花雨脚何足數

怪底交融

投氣味迢迢同是出西山

渡江二絕

揚子津頭四換船江平無浪水連天往來催得遊人老
只有清流似昔年

其二

片帆箭激過征驂轉眼金焦失翠嵐明日茱萸灣外路
却從江北望江南

過瓜洲聞

停午風輕一纜開瓜洲聞口水如雷人生到處多奇險
不止瞿塘灩澦堆

謝他山師惠牋紙

才薄何堪詠玉鈎

李義山詩浣花牋紙桃
花色好好題詩詠玉鈎

新牋百幅若為投歸

航自笑無多物載得江南數斛愁

東坡次韻宋肇惠澄心
紙詩分我江南數斛愁

留別他山夫子二首

相見驚容鬢相離惜歲華朔南雖異路遠近各還家
海岸三更雨江南五月花惟應東望眼直送到天涯

其二

別袖知難挽征帆莫便開未成千里別翻問幾時來
夏景騰騰去秋光漸漸催東籬好相待共飲菊花杯

食柑

強留珍果到清和盧橘楊梅味豈過頓覺甘鮮生齒頰
喫人香霧不須多

蘇詩香霧霏霏欲喫人

題戴雲奏指寫山水便面二首

便面圖成迥不同漁舟一葉釣絲風笑他舐筆翻多累
收得江山入指中

其二

掃除塵習得天全不染丹青別樣鮮應與書家同一例
濡頭差可配張顛

舟發維揚即事三首

雷塘歸棹轉初程積雨沉綿忽放晴掃盡浮雲心一快
昨宵猶聽打篷聲

其二

勝地頻探似故知江山風月軫離思珠簾十里何須戀
却笑樊川杜牧之

其三

踏遍峰巔共水涯漁莊蟹舍駐行車前行漸識山陽近
一路乘船直到家

宜興壺

船頭船尾載宜壺巧製龔春得似無第二泉烹越山茗

時子携得惠山泉水尚在絕勝甄井與銅爐
劉夢得西山蘭若試茶歌不辭緘封寄郡齋甄井銅爐損標格

蛙聲

水村雨過漲痕生青草池塘映晚晴鼓吹年來稀入耳
無端此地聽蛙聲

再題雲奏畫扇二首

已寫溪邊繫小舸更添枝上挂葡萄分明輪指光中見
漫向清涼禮白毫

其二

蟹足爬沙蟹背青汀莎岸草帶殘腥非關慘澹經營久
風雨疑從指上聽

高郵道中即事二首

波平風健布帆輕
回望維揚一日程
朝飯舟中猶未畢
篙師已報過孟城

其二

兩岸塵消霽色開
半空涼吹變恢台
蕭蕭忽捲菰蒲響
疑是船頭急雨來

孫書年為予扇頭作前後赤壁意因題二絕句

斷岸千尺路千盤
倒射江心月影寒
我比東坡差較樂
持將巖壑扇頭看

其二

後值初冬前值秋
行歌人往蹟還留
袖中携得臨臯去
不羨移舟兩度遊

贈雲奏

昔看指頭畫絕藝
賞高子謂高觀
今來得逢君察其佩
繹思各殊

旨太白詩名公繹思揮彩
筆驅山走海置眼前
四溟及五嶽顛
倒隨馳使煙雲掌上

生精妙遂臻此
回頭顧觀察秦晉
勢可比問君定誰傳
君言良有以夢中
神所授覺後心自喜
從茲二十年寫
遍桃花紙君才無
不宜若者乃餘技
飄如憑虛仙游戲

益形堂詩後集 卷四 五 藏板
聊復爾僕本麋鹿姿性僻愛山水一墮塵鞅間何由濯
清泚賴君繪風手爲我寫側理便當挂壁玩勝卧千峰
底

蘆屋

水國家家枕岸邊居無瓦舍但蘆櫂移牀未免愁逢雨

倚壁何妨仰見天室近蛟螭同偃卧

李義山詩偃卧蛟螭室

舟隨魚鳥

共延緣

東坡懷西湖寄鼉美叔詩應逢古漁父葦間自延緣

誰將露宿風餐意寫入豳風

圖繪篇

淮安舟次二首

呶啞柔櫓逼天明竹簟藤牀一夢成卧自黃昏眠到曉

便將此味敵公卿

王元之詩若將間比貴此味敵公卿

其二

玉堂揮翰原過分笈箬惟堪手自親投老江湖初願在

前身應是弄舟人

蘇詩收得玉堂揮翰手却爲淮月弄舟人

題雲奏倣荆關山水畫扇二首

遠峰鬱鬱樹層層雨晚煙朝積翠增試取銀缸間照影

米家山是米家燈

雲奏自題詩有分明一幅米家山之句

其二

向背橫斜態各宜詩中畫本畫中詩別開生面空前古
只恐荆關未得知

北歸渡黃河

昔涉混沌河

孟郊泛黃河詩誰開
崑崙源流出混沌河

放溜下靈武一舸東去疾瞥

若離弦弩天明方解維百里未停午舟行我初經濁浪
訝掀舞只疑泛艫棹所向皆如許自窺安流平始識狂
瀾怒南遊僅春半北渡踰夏五曉陰昏昏茫茫風力猛於
虎奔騰萬馬車敲磕千夫鼓驚濤四散飛灑面作寒雨
前期桃源鎮迴望清江浦温顏慰三老出險賴雙櫓截

波欣既濟遇閘恐多阻直須過陶丘歸日便可數

午日舟中用東坡韻

百年如風燈瞬息移子午何堪邂逅緣多邁別離苦客
遊負佳節屈指不可數今朝識天中賴此陳角黍擊筑
尚懷燕揚舲未辭楚驚心皆異俗入耳非鄉語綵符遠
難致蒲酒賤須煮埋憂效仲長學道仰初祖纏絲還懼

蛟

李義山詩綵絲
何惜懼長蛟

採艾便成虎逢時當作樂慎莫傷齟齬

謝揚孫惠畫扇

令節未還家扁舟泊水涯多君出奇技五月見春花

下直乘馬夜歸船中二首

馬上薄寒增村深樹幾層迷途猶可辨明月夜如燈

其二

攬轡防橋窄垂鞭覺路賒到船吟警句真個似歸家

澤州

相國次楊柳青詩有得船今日似歸家之句

赤山道中即事二首

來時雪猶飛歸時花盡落而况朱顏人那得長如昨

其二

平湖浩千頃映帶葭蒲綠羨彼沙邊禽同飛復同宿

謝儼齋先生惠李晞古柳莊圖二首

小橋曲岸水平池一別郊園淑景移開卷分明還舊草

綠楊陰裏閉門時

其二

近山蒼翠遠模糊小李將軍媲美無恰喜船中添一物

携歸堪配雪江圖

予家藏李晞古雪江圖董文敏跋其上有李晞古畫不減李思訓之語

彭家口書所見

風滿船窗暑氣微今朝得意是真歸眼看光景分南北
茅屋漸多蘆屋稀

夏鎮舟次有懷他山夫子疊同遊西湖韻五首
共泛輕舸細雨中數殘春信棟花風西湖奇景妙天下
自建

離宮更不同

其二

水同舟楫陸同行寺寺山山各問名回首停雲無限思
不知江月為誰明

其三

捲地風吹撲面埃荒蕪寥落野花開昨宵一樣蓬窗夢

公是南還我北來

其四

鶴汀鳧渚釣漁灣兩月清遊去復還怪得芳鮮盈耳目

東坡懷西湖寄晁美叔詩
至今清夜夢耳目餘芳鮮

今年飽看浙西山

其五

白頭詩興尚雄豪方駕柴桑止酒陶

蘇詩多病仍
逢止酒陶

不敢與公

多唱和細流爭敵退之濤

孟郊詩詩
濤湧退之

南陽道中感舊書懷疊前韻寄松坪四首

朔風如箭雪如篩曾約敲銅共賦詩八九年來心未遂

世間離合果難知

其二

頻年南北馳驅遍水國煙花玉塞雲坐擁縑緗千萬卷
就中此事不如君

其三

學探璧府窮千變理洽金經契六如拋却多生文字海
知書何似不知書

其四

眼明沙渚淨無塵自泛江湖近十春岸芷汀蒲長似舊

祇應暗換往來人

題雲奏松風蘿月畫幅

寫成蘿月松風一幅分來化工靜對渾如世外細看不
似圖中

濟寧舟次

南池波影浸高樓十載登臨願始酬迴駕幸無嘲俗士
敢從二老繼風流

自題涉江集後二首

吳越風光看未窮往還三月一船中揮毫詎得江山助

慙愧周南太史公

余已卯南來他山先生贈余詩云自從南涉江淮後司馬文章世不如

其二

累句難登主客圖僅成西抹與東塗自矜漫學香山老

白樂天詩莫怪氣麤言語大新排十五卷詩成

得免人間覆醬無

袁老口書感

歸路重經袁老口順流北去尚嫌遲人生行止真難料

猶記當年閣淺時

乘月夜歸船中

渡口迴船過夜闌微風吹浪漸生寒一年佳月知多少

蘇詩佳月豈屢逢

強半清光客裏看

食鮮杏

南去嘗蚤梅北來食鮮杏滋味雖同酸山川各異境一

片兩片雲千帆萬帆影沿途啖佳果此事真過幸

順風

柳外輕陰轉麥秋乘風千里趨歸流路人莫指雲帆速

我亦曾經過石尤

憶園中花樹

園林蚤晚賦歸來水上新荷石上苔艷色清香猶不負

榴花開後棗花開

月夜過阿城閘二首

雲薄風輕冷似秋
船窗不掩見河流
夜行隨路邀清賞
豈為貪乘下水舟

其二

開帆速亞馬奔馳
月自隨人岸自移
好景今宵須記取
阿城閘畔納涼時

遊任氏園林

曲徑含蒼靄層樓上
紫氛門迎潔水月
窗納岱宗雲石

色晴還潤松陰曉
不分客來渾忘暑
風葉落紛紛

臨清畱別劉子育萬

春帆發清淵行遍江淮路
及歸屈朱炎此地重相遇
離情何以慰話舊良先務
雲卧心自閒丹成顏可駐
殷勤看花約惆悵分襟處
衝風水上萍落日煙中樹
汶河如故人臨別尚回顧
惟應赴海流送我還家去

舟發臨清

巉巖曾歷千峰險
山路崎嶇水亦然
今日輕舟方出閘
便同騎馬到平田

舟行望月偶賦

畏暑殘暉逼乘涼夜氣通呼風生幔底延月入船中性
本同迂叟名堪署放翁姑謀一夕醉便覺萬緣空

德州道中懷舊兼悼綸霞少司農

放棹薰風便停車積雪深回頭幻泡影彈指去來今殘
夢有時覺故人何處尋山薑詩卷在一往見情深

天津道中

侵曉放歸舟嚴城入望收一帆風不斷三派水分流雲
暗沿河樹煙籠隔浦樓往還南北路漂蕩似沙鷗

鐘聲

大聲催動碧雲開不是江潮不是雷露下栢堂雙鴿去
煙迷蘿徑一僧來晨飈半偈心猶記温飛卿詩窗間半偈聞鐘後斜月樓

高夢欲回李義山詩月斜樓上五更鐘悟徹貝多真實語窮秋落葉未須

哀梁豫章王恠有聽鐘鳴悲落葉句

磬聲

何人閉戶理瑤編清響泠泠隔屋傳鴈度寥空千里月
雀飛遠渚一村煙石湍溜急秋相應香閣燈寒夜並懸
驚醒浮生塵土夢前身恍惚住林泉

木魚聲

雕鱗刻鬣製偏竒靜聽還同耳卓錫玉漱金塘渾未稱
琅函瓊笈總相宜投空尚想吟風葉念涸非關失水馨

白香山詩念涸誰濡
沫又云鰥魚失水馨

別向魚山傳梵派可知法嗣有橫枝

塔鈴聲

日轉浮圖影漸沉高標直上插雲深雨淋劍閣非同調
風定祇園別有音機到已忘寧信耳物應無拒久安心
分明解識西來意只是難教緣覺尋

烏城新莊

賜宴紀

恩詩

并序

我

皇上參兩儀而立極合四海以為家并包齊量乎覆燾

教養罔分乎中外 軫懷龍塞加惠鴈臣闢

其田疇教之樹藝粒食既奏生齒日繁每逢

朱夏之時恒 命翠華之駕用使農功競勸

登場獻瑞於嘉禾歲事屢豐比屋騰懽於樂

土然豫動雖移 法從而 清蹕必駐山莊

勤民之 德昭焉恤下之仁至矣烏城新莊

者南抱長城北連大漠壯 神京之肩背控
貢道之咽喉嶺複山重水深土厚

皇上仰觀俯察叶天地之清寧養性怡情符知仁之樂
壽於是選茲名勝爰事經營因截臬而為山
引潺湲而成沼高高下下景出天然密密疎
疎花皆自在松棟雲牖洵稱華而不奢采椽
土堦是謂儉而匪陋何勞輕筭炎歊之氣全
消詎假織絺鬱蒸之煩頓釋誠九夏之樂邦
三庚之勝地矣若乃 聽政餘閒頤神多藝

縹囊緗帙契精一以傳心天杼星機煥光華
而揆藻彎弧似月節應騶虞落紙成雲竒逾
响嘯解薰風之愠愜

聖志於阜民愛夏日之長宥羣生於化國
行幄之優游若此

帝心之悅豫可知更推同樂之仁爰及 扈行之士丹

崖碧嶂許歷蓬島而遊遨桂棹蘭舟命溯瀛
洲而容與矧夫饌 頒堯蕙飫珍膳於天厨

樂 聽舜韶叶和聲於仙館 臣 謬携鉛槧濫

厠鷓鸞 浩蕩難名徒媿生成於大造涓埃
莫報多慚沐浴於 太和何意微材又逢

渥澤固知 天高地厚孰施窺測之能况乃
類句蕪詞奚罄頌颺之意然蟲吟鳥語亦彰
覆載弘慈擊壤衢謠庶表臣工至願恭成四
律瞻北闕而彌高敬祝 萬年等南山而永

固云爾

紫塞逶迤拱

帝京 鑾輿三伏每巡行石泉帶雨生秋氣巖樹含風

作水聲勝境乍開難畫就新莊初構是天成一塵不到
炎蒸遠共喜仙居愜

聖情

其二

拂拂南薰入五絃爐煙輕颺晝如年波平檻外嵐光潤
日午簾前樹影圓虎卧龍跳 揮寶翰姬情孔思寄瑤
編寸陰彌惜恒無倦神禹存心萬古傳

其三

扈蹕趨陪鷓鸞班

至尊恩許躡神山盡知

聖澤如天闊獨媿臣心似石頑
鼓柁忽看魚潑刺披林
時聽鳥間關更從銀榜瞻

奎筆昱耀榮光燭海寰

其四

塵凡何意到蓬萊更拜
瓊筵水殿開芍藥羹調神鼎
出榴花醞滿帝壺來恩沾湛露詩中重身似釣天夢
裏迴葵藿心傾申華祝南山獻壽碧崔嵬

和他山師詠塵次原韻

無滅何因更有生沙嫌質重雪嫌輕連空不逐春陰散
匝地還虧夜月明扇號能遮非實語犀稱堪辟或虛名
但教性海澄如鏡豈礙微雲點太清

和他山師詠影次原韻

相逢一笑果何人誰識浮生幻妄因有月可邀應共酌
如風難捕定非真臨池自照情偏洽到處長隨意轉親
始信能仁無誑語蓮花百億解分身

李義山詩何當百億蓮
花上一一蓮花見佛身

以白魚牛尾狸饋他山師承賦詩枉謝次韻奉

酬

水陸平分入饌羞調和滋味恰相投鱈魚

本草白魚一名鱈魚鱈者首尾向上也今

人亦謂之鱈頭白

出釜光浮座牛尾登盤滑瀉油刀尚未磨先指

杜詩洗魚磨刀魚眼紅東坡送牛尾

動 酒當垂醒忽涎流

本草牛尾狸冬月極肥人多糟

為珍品大能醒酒醒

海濱見說多奇產

本草登州島上有海

緣木何須

一例求

憶曩年與他山東江兩先生昕夕聚首花放雪

飛唱酬為樂東江久已旋里今一月來得共他

山詩筒往還撫今追昔因疊前韻兼寄東江

開筵曾共飽肴羞膠漆心情別樣投雪裏圍爐烹蟹眼

花前揮翰灑龍油十年夜雨追殘夢一月春風挹勝流

觴詠不殊儔侶少商量何法致唐求

以廣鴨饋他山師承賦詩在謝次韻奉酬

嘉禽遠荷粵臺傳滑比凝脂軟勝綿照影綠頭曾自愛

聞歌紅頰也堪憐

蘇詩家有紅頰兒能唱綠頭鴨

清池浴罷無泥滓

杜詩花鴨無泥滓

翠釜烹來列几筵記得義州江畔路

朝鮮有鴨綠江亦名義州江

蘆花如

雪送歸船

以冬筍饋他山師承賦詩在謝次韻奉酬

君家繞屋盡明玕

陶詩亭亭明玕照

鄉味年來致轉難錦籜走鞭

俄拆土走鞭見蘇詩香粳配饌促登盤東坡送筍與李公擇詩送與江南客燒煮配香粳定知舉

筋還三嗅莫為凌雲輟一餐李義山食筍詩忍剪凌雲一片心耿介不須童

穉見漫天冰雪戰清寒東坡和黃山谷食筍詩君看霜雪姿童穉已耿介胡為遭暴橫三嗅不忍噉

以柑饋他山師承賦詩在謝次韻奉酬

霜枝露葉歲寒催東坡食柑詩露葉霜枝剪寒碧一首詩應博一枚半榼清

香分舊雨滿瓶春色泛新醅嘗時轉覺冰心冷破處難

教玉指開東坡食柑詩金盤玉指破芳辛不用殷勤煩坐客東坡食柑詩坐客殷勤為收子直疑

身自霧中來劉孝標謝餉柑啟擘之香霧噴人

以冰鮮饋他山師承賦詩在謝次韻奉酬

鱗尾依依寶誌殘神僧傳釋寶誌嘗于臺城對梁武帝食鱸帝曰師何為爾誌乃吐出小魚依依鱗尾帝異之今秣陵尚有鱸殘

魚也烹鮮尤喜在長安軟吹香飯流匙滑細剝春葱入饌

寒少陵設鱸詩云軟吹香飯緣老翁又云有骨已剝嘗春葱侵曉便同傾卯酒迎年預擬鬪辛

盤園蔬一樣聊充膳少陵白小詩風俗當園蔬燒尾寧堪配食單鄭望膳夫錄韋僕射

巨源有燒尾宴食單

他山夫子以虞伯生趙子常分註少陵五七言

律詩見惠賦謝

朔風半夜號枯木擁被無眠如露宿凌晨扣戶得瑤箋

滿室陽春回暖燠浣花老人詩四卷格律精嚴義含蓄

益州堂詩後集卷四

五言七言遞擅奇別類分門非一族伯生子常各詮釋
致遠鈎深費勞漉苦心便已先受之
先生來書云紅豆老人箋註時蓋未之見也 妙

解真堪補山谷
明董玘趙註杜律序山谷欲取兩川夔峽詩箋以數語竟不就 查田先生嗜吟詠

錦里東坡探究熟掣鯨碧海合鳳膠鞭撻離騷等奴僕

平時詳玩子瞻集搜剔根株鮮藏伏又從杜老事討論

未遣蓬蒿沒黃菊
東坡次韻張安道讀杜詩殷勤理黃菊未遣沒蓬蒿 窮冬給扎有餘暇

廟市逍遙趁休沐錦囊玉軸厭弗觀獨愛遺編日三復

虫涎蠹粉質仍在雨濕塵侵價難鬻携歸裝訂整殘缺

把翫經旬味忘肉劍逢雷煥篋寧隱驥遇孫陽轅漫服

謂予夙好草堂詩枕籍篇章飶膏馥俾來鄭重見嘉貺

勸勉殷勤形簡牘少陵性僻耽佳句巨刃摩空箭飛鏃

晚年不輟法逾細
杜詩老去漸於詩律細 節奏鏗鏘答琴筑何期剖

析得二豪蹴踏千家盡推轂
杜詩有千家註 惜乎古體未曾載如

入西齋窺半日待公撥冗試一為更惠新編吾所欲九

原可作應點頭韓筆還同破愁讀
杜牧之詩杜詩韓筆愁來讀似倩麻姑癢處搔

鑿冰詞和他山夫子

北風捲地聲如吼一夕蛟皮三尺厚冲冲萬指羅溝坑
有藥難求不龜手終朝苦辛緣底事踏凍衝寒効奔走

連車收載納凌陰狼籍寧須計升斗待看夏簟引涼颼
筋力徒勞非汝有

有饋鮠魚者次東坡韻戲占一絕兼示觀河

何須海錯與蠻珍犀箸新嘗亦可人此義東坡應未識
從來無骨便無鱗

詠春冰

自協陽和候潛消不待時孤聽應漸覺魚負已先知真

妄寧離水

寶藏論云真水釋水妄水
結冰水水之二其體不異

空明會滿池君看履薄懼何

異劍頭炊

以食物饋他山先生承賦詩枉謝次韻奉酬四
首

鮠魚

信筆吟成敢自珍瓊瑤翻辱報詩人

余先以次坡韻詠鮠
魚詩錄奉尋承報和憑公

一滴曹溪水灑向人間潤涸鱗

先生深于
禪學故云

蠣黃

腥風陣陣入山房分餉行厨為點湯人指馬蹄多異種

知從烈火驗竒方

本草牡蠣大房如馬蹄小者如人指面海人取者
皆以烈火逼之挑取其肉其味美好更有益也

對蝦

雪堂爾雅註蟲蝦蘇詩雪堂窗下上饌充庖味自嘉本草閩中有五色蝦

亦長尺餘彼人兩兩乾之謂之對蝦以充上饌若比鱠殘魚較大海東絕品未須誇出

遼東蓋州者稍大於他產

黃雀

遠掠田間近繞莊披綿脂帶臘糟香我家厨膳真稱拙

蘇詩我家拙厨膳好與先生作鮓嘗本草黃雀可以炙食作鮓甚美

和他山夫子人日出郊次原韻

有限韶光春九十便須狂醉拋巾櫛出郊策馬行且歌
為樂休辜好風日燕南趙北多塵埃漫憶孤山處士梅

逢場作戲戒遲緩萬事終輸笑口開

憶塞外舊遊疊前韻呈他山夫子

憶涉金微月臨十沐雨淋漓風作櫛電光石火等閒過
轉盼同遊如昨日落京衣袖染黃埃詩興重尋東閣梅
但須話舊飲醇酒蓬戶朝朝為客開杜詩花徑不曾緣客掃蓬門今始為君開時予方園

居故云然

春風

窮陰忽散轉晴朝地角天涯布令遙含霧樓臺燈始挂
向陽亭館雪初消吹開碧玉還芳渚綻得黃金上柳條

知是王侯園圃近，隔窗隱隱送瓊簫。

羅鄴春風詩遠
遞高樓簫管聲

藏板

春雲

舒卷無心本自由，輕陰似戀屋東頭。出山豈盡逢人撻

東坡有
擗雲篇

匝地還應伴客愁

唐彥謙詩春雲更覺愁
于我間蓋低村作暝陰

月裏園亭多擁

樹水邊簾幕半遮樓，經時未肯從龍去。只待為霖意始

休

春雪

縮馬埋牛候不同

杜詩牛馬毛寒縮如蜩
蘇詩行看積雪厚埋牛

廉纖和霧強隨風狂

疑弱絮穿簾薄，輕比微霜到地融。高下何心迷舞蝶

梁簡

文帝詩鹽
飛亂蝶舞

東西無迹驗飛鴻，梅邊竹上知多少。迎取陽和

入舊叢

吳融雪詩云
迎春入舊叢

春草

雪盡春郊生意繁，陳芟隨分識春溫。稍看顏色分池淥

漸放萌芽出燒痕

蘇詩盡放青
青沒燒痕

曲徑無塵經雨濯，遙村有月

帶煙昏蒙茸好待承，跌坐

王摩詰詩軟
草承跌坐

車馬喧阗不到門

羅鄴

春草詩五侯門外却難逢
又云馬跡車輪一萬重

詠橘十韻

嶺外秋先熟，江南歲有收。問名嗤鄧國

左太冲蜀都
賦襄橙鄧橘

錫貢紀

謙牧堂

揚州壓幹應埋鼠

本草俗傳橘下埋鼠則結實加倍
湮盤經云如橘見鼠其果實多

連車或汗牛

分甘徧筐筥知味薄珍羞星髓驚初弄金丸喜乍投

皮日

休以橘寄魯望詩弄如星髓未
銷前又云不為韓嫣金丸重

嚼寧嫌齒冷嗅已覺涎流頌憶靈

均著詩慚應物酬棠梨酸漫擬

少陵病橘詩
酸澀如棠梨

火棗貴堪侔

陸魯望春橘詩合
在仙家火棗前

千樹何煩種三人不待求

焦贛易林三人
求橘反得大栗

我生

原為口

東坡詩我生
涉世原為口

飽食便忘憂

詠橙十韻

彼美炎方果筠籠歷遠程秋深偕橘挂晚熟驗霜輕蜀

土形疑柚

魏王花木志蜀土有給客
橙似橘而非若柚而香

燕山價比瓊移曾因細雨

杜詩細雨
更移橙

摘喜趁新晴素手搓來馥

東坡詩手香
新喜綠橙搓

晶鹽點處

明

史達祖賦橙詞金罌
裏玉簌簌吳鹽輕點

析呈傳異效耐久得佳名

本草橙乃橘屬
之大者晚熟耐

久又云其皮今止以為果或合
湯待賓宿酒未解者食之速醒

湯為留賓合糕如壓蔗成品高燒

尾宴

鄭望膳夫錄韋僕射
巨源有燒尾宴食單

香奪皺皮生

東坡龍眼詩獨使皺皮生
弄色映瑠俎謂荔枝也

留待

迎朱夏持將配玉衡

春秋運斗樞玉
衡星散為桃

冰霜流齒頰毒熱一時

清

橙可藏至五
月香味尤美

梅花

九陌寒風撲面埃春光先上一枝來只除松栢難同語

不犯冰霜不肯開

鹿尾

價本珍遼左名先冠鄴中代松談可輟

用南史張譏事

投芥味偏

融 耶律楚材鹿尾詩 芥屑差辛類桂薑

脂削銀刀白漿流玉髓紅酒殺稱上品

食珍錄劉孝儀曰鄴中鹿尾為酒殺之最

不羨辟塵功

本草鹿尾能辟塵

謝餉閩柑者

異品珍同荔子誇也隨驛使過仙霞餘香便可輕摩詰

東坡和王晉卿傳柑詩寄與維摩三十顆不知蒼苔是餘香

真味何殊擘永嘉

蘇詩三寸黃柑擘永嘉

八瓣鮮

長凝露液千林熟不待霜華

本草甜柑類洞庭而大每顆必八瓣不待霜而黃也

洞庭春

色知難匹噴霧流泉別一家

曾幾洞庭柑詩云流泉噴霧真宜酒

以柿餅乳酥饋他山夫子賦詩二首

柿餅 十二韻

本是梁侯種秋陽曝未同護持防雨濕軟美過爐烘頓

變如霜白渾忘似火紅天漿濃漸結靈液薄將融馬妳

形輸小牛心體較充

本草柿朱果也大者如椹其次如拳小或如雞子鴨子牛心鹿心之狀最小者名馬妳柿

冷嫌

難配蟹潔喜不生蟲却憶初寒候曾開曲徑通金烏卑

啄樹火織上凌空屈指時光度回頭歲事窮正思堆玉

案忽訝滿筠籠甘比餐崖蜜清疑嚼雪風還堪持獻壽

好餉紫芝翁

爾雅翼柿有七絕一多壽二多陰三無鳥巢四無蟲五霜葉可玩六嘉實七落葉肥滑可以臨書也

乳酥 十二韻

龍沙頻載筆鴈磧共聯鞍扣戶思吳餉

蘇詩扣戶得吳餉

登筵飫

貊槃土酥俄作片香乳或成團嫩入茶蠲渴醇澆酒禦

寒瀼瀼含露潤稍稍得風乾絕塞歸非久行厨覓漸難

乍看凝玉液何異拾晶丸甘美光瑀俎芳鮮陋食單太

平泉可並

少陵太平寺泉眼詩取供十方僧甘美勝牛乳

忍辱草應餐

涅槃經雪山有草名曰忍辱牛若食者便得醍

走送催新詠分嘗續舊歡壓漿評穆贊點菽笑劉安

好待殘春宴濃煎配牡丹

東坡牡丹詩牛酥煎落葉

益戒堂詩後集卷四終

